



46 općina
u
7 kantona u FBiH i 5
regija u RS



223
lokacije
pokrivene



339 migranata
izvan centara
od
ukupno 339 ispitanika

20.4.2022. provedena je dvanaesta zajednička vježba od strane IOM-a u Bosni i Hercegovini (BiH) u saradnji sa Službom za poslove sa strancima (SPS), uz podršku Crvenog križa BiH (CKBiH) kako bi prikupili informacije o broju migranata i tražioaca azila koji se trenutno nalaze u državi. Svrha ove redovne vježbe je da se pruži okvirni broj migrantske populacije koja nije smještena niti registrovana ni u jednom od Privremenih prihvatnih centara (PPC) u bilo kojem trenutku.

Raspoređeno je ukupno četrnaest timova, sačinjenih od 39 popisivača (27 muškaraca, 12 žena), uz dodatnih 11 inspektora SPS-a (8 muškaraca, 3 žene) i 13 usposlenika CKBiH (8 muškaraca, 5 žena). Vježba prikupljanja podataka je provedena u 7 kantona Federacije Bosne i Hercegovine (FBiH) i 49 lokacija unutar Republike Srpske (RS). Ukupno su posjećene 233 lokacije u 46 općina, i to: 68 lokacija u 5 općina Unsko-sanskog kantona, 42 lokacije u 5 općina Kantona Sarajevo, 32 lokacije u 10 općina Tuzlanskog kantona, 23 lokacije u 4 općine Hercegovačko-neretvanskog kantona, 4 lokacije u 4 općine Zapadno-hercegovačkog kantona, 4 lokacije u 1 općini u Bosansko-podrinjskog Kantona Goražde, 1 lokacija u 1 općini u Kantonu 10, 8 lokacija u Zvorniku, 7 lokacija u Višegradu, po 6 lokacija u Bijeljini, 4 lokacije u Kozarskoj Dubici, po 3 lokacije u Bratuncu, Foči, Rudom i Vlasenici, po 2 lokacije u Gradišci, Novom Gradu, Rogatici i Srbcu, te po jedna lokacija u Banjoj Luci, Kostajnici, Milićima i Prijedoru (vidi Mapu na str.2).

DEMOGRAFIJA I LOKACIJE

Ukupni broj uočenih migranata na posjećenim lokacijama je 339, svi su izjavili da nisu smješteni ni u jednom od PPC-a u BiH.

Broj migranata u Rundi 12 ostaje relativno nizak, što je u skladu sa prethodnom rundom. Ovakvo stanje se dijelom može objasniti promjenama migrantskih ruta koje se brzo i često mijenjaju, što može dovesti do toga da se na posjete sve lokacije na kojima migranti borave. Procent praznih lokacija u Rundi 12 je iznosi 77.1 posto što je više u odnosu na prethodnu. Kao i u prethodnoj rundi i u ovoj broj migranata koji su izjavili da nisu smješteni ni u jednom od PPC-ostaje 100%.

Pakistanci (40,1%) i Afganistanci (29%) čine dvije najzastupljenije nacionalnosti van PPC-a u BiH, zatim slijede Marokanci (6,6%), Bangladešani (4,8%), Iračani (3,3%), Alžirci i Iranci (po 2,7%) i Alžirci (3,7%). Ostale nacije po zastupljenosti su: Egipat (1,8%), Indija (1,5%), Sirijska Arapska Republika (1,5%), Republika Kongo (1,2%), Gambia, Tunis, Turska, Palestinske teritorije i Šri Lanka koje čine manje od po 1% migranata van PPC-a.

Migranti iz Paname i Obale Slonovače koji su prvi put mapirani tokom Runde 11, nisu primijećeni tokom ove runde, što ukazuje da postoji stalna promjena u nacionalnostima i rutama. Nadalje, Kubanci koji nisu mapirani u Rundi 11, iako su predstavljaju treću najzastupljeniju nacionalnosti registrovanu u prihvatnim centrima u BiH, u ovoj rundi predstavljaju 2,4 posto migranata koji borave na vanjskim lokacijama.

Statistički podaci o spolu i dobnoj skupini pokazuju da većinu migranata izvan PPC-a čine odrasli muškarci (293), zatim odrasle žene (19), dječaci (12) i djevojčice (10).

Odrasli muškarci predstavljaju 88 posto migrantske populacije identifikovane izvan PPC-a u BiH.

Najveći broj djece je Afganistana, (45,5%), zatim iz Iraka (22,7%), Egipta (18,2%), Sirijske Arapske Republike (9,1%), i Maroka (4,5%).

Većina uočenih migranata (314 ili 92.6% ukupno) je izjavila da su u BiH ušli iz Srbije, 8 (2,4%) iz Crne Gore, dok je za 17 (5%) migranata ovaj podatak nepoznat.



1 046 migranata smješteno u PPC*

3 229 slobodnih kreveta dostupnih u PPC

* Informacije na dan 20.4.2022.

Prema posjećenim lokacijama, većina migranata je pronađena na vanjskim lokacijama (39,9%), uključujući autobuske i željezničke stanice, zatim u napuštenim objektima (31,8%), drugim nedefinisanim lokacijama (12,1%), plaćenom privatnom smještaju (7,1%), plaćenim hostelima i privatnom smještaju kojeg mogu koristiti besplatno (po 3,2%), te improvizovanim barakama i šatorima (0,9%). Zanimljivo je da je broj migranata koji borave u improvizovanim barakama i šatorima značajno niži u odnosu na prethodnu rundu, i to za 4 posto. Prema korištenoj metodologiji, migranti koji odsjedaju u plaćenom hostelskom smještaju uvršteni su grupu onih koji ne borave u zvaničnim PPC-ima. Bitno je napomenuti da u PPC-ima ima dovoljno kapaciteta i slobodnih mjesta. Migranti mogu odlučiti da ne borave u nekom od postojećih PPC-a, unatoč naporima IOM-a, SPS-a i drugih humanitarnih aktera koji ih informišu o dostupnoj pomoći koja se nudi u PPC-ima.

STATISTIKA PREMA SPOLU I DOBNOJ SKUPINI



1. Služba za poslove sa strancima koja je nezavisna administrativna jedinica unutar Ministarstva sigurnosti BiH je odgovorna strana za registraciju svih stranca na teritoriji BiH, kao i za izdavanje potvrda, uključujući potvrde za one koji izražavaju namjeru da traže međunarodnu zaštitu/azil. Ministarstvo sigurnosti BiH je također odgovorno za upravljanje Imigracionim centrom i privremenim prihvatnim centrima na području BiH.

2. Kako nije vršena provjera dokumenata tokom provođenja vježbe, pod migrantima također podrazumijevamo izbjeglice i tražioce azila.

3. Broj posjećenih lokacija odnosi se na ukupan broj mikrolokacija koje imaju jedinstvene georeferencirane koordinate. Od ukupno 223 lokacije, na 172 nije zabilježeno prisustvo migranata (77,1%).

4. Informacija o nacionalnosti je bazirana na izjavi migranata

PRISUTNOST MIGRANATA IZVAN CENTARA

Bosna i Hercegovina
20 April 2022


Est. **339** MIGRANATA IZVAN PRIVREMENIH
PRIHVATNIH CENTARA*

7
Kantona

223 Posjećene lokacije u

5
Regija u RS


46
Općina



This map is for illustration purposes only. Names and boundaries on this map do not imply official endorsement or acceptance by IOM.

Source Data : IOM, National Authorities

**AFGANISTANSKE PROVINCIJE IZ KOJIH DOLAZI
NAJVEĆI BROJ MIGRANATA**



U Rundi 12, od ukupno 97 migranta iz Afganistana, 72 (74%) je izjavilo da su iz provincije Kabul, zatim 16 iz Nangarhara (17%), 4 iz Parvana (4%), 2 iz Paktja (3%) i za dvije osobe ova informacija je nepoznata.

GEOGRAFSKA RASPOREĐENOST

Većina migranata izvan PPC-a (76,1%) se nalazi na prostoru Unsko-sanskog kantona (USK), što je povećanje od 8 posto u odnosu na prethodnu rundu, zatim u 10 posto u Tuzlanskom kantonu (TK), 8,8 posto u Kantonu Sarajevo (KS), 3,5 posto u Hercegovačko-neretvanskom kantonu (HNK), 1,5 posto u Entitetu Republika Srpska (RS). Migranti nisu uočeni u Bosansko-podrinjskom kantonu Goražde (BPK), Kantonu 10 i Zapadno-hercegovačkom kantonu (ZHK).

ZDRAVSTVENE POTEŠKOĆE I RANJIVOSTI

Ovaj upitnik prikuplja informacije o specifičnim pojedinačnim stanjima i ranjivostima među promatranom populacijom. Identifikovane ranjive kategorije predstavljaju 4,1 posto od ukupne migrantske populacije mapirane izvan službenih centara u BiH: 4 osobe sa zdravstvenim problemima među kojima su skabijes i vidljive modrice, 4 djece mlađe od 5 godina, 3 žene koje putuju same, 2 djece bez pratnje između 15 i 17 godina i 1 osoba starija od 60 godina.


Prikupljanje podataka u ovoj vježbi je bilo usmjereno i na identifikovanje tipova medicinskih problema među migrantima koji borave izvan PPC-a, baziranih na opservaciji od strane popisivača. Na ovaj način se pokušava uvidjeti postoje li nezadovoljene medicinske potrebe, te ukoliko su migranti u stanju potrebe za medicinskom pomoći, da li su navedenu primili u posljednje dvije sedmice. Od ukupno 4 migranta, koja su izjavila da su bila u potrebi za medicinskom pomoći u posljednje dvije sedmice, svih četvero su izjavili da navedenu nisu mogli da dobiju.

IDENTIFICIRANE RANJIVE KATEGORIJE





KRAJNJE DESTINACIJE



KRAJNJE DESTINACIJE


U Rundi 12, država koja je iskazana kao krajnja ciljana destinacije je Italija (48,7%), koja je pomenuta od skoro pola intervjuisane migrantske populacije, sa povećanjem od 10 posto u poređenju sa prethodnom rundom. Naredne ciljane krajnje destinacije su Njemačka (30,4%), Francuska (7%) i Španija (5,9%). Primarna krajnja destinacija za Pakistance i Afganistance je Italija, sa 69,4 i 46,4 posto, zatim Njemačka, dok je za Marokance primarna krajnja destinacija Njemačka sa ukupno 50 posto.

REFERISANJE I INFORMISANJE

U Rundi 12, više od četvrtine migranata (25,6%) je izjavilo da u BiH borave između 6 mjeseci i 1 godine, 24,7 posto između 2 sedmice i 1 mjeseca, 17,1 posto kraće od 2 sedmice, 12,1 između 3 i 6 mjeseci, 10,3 posto između 1 i 2 godine, 5,6 duže od dvije godine (smanjenje od 7,3% u odnosu na prethodnu rundu), 2,9 posto između 1 i 3 mjeseca, te je za 1,5 posto ispitanika ova informacija je nepoznata. U konačnici, 15,9 posto mapiranih migranata je izjavilo da su u BiH duže od godinu dana, što je smanjenje od 24 posto u poređenju sa prethodnom rundom.

Nadalje, 42 posto migranta je izjavilo da su upoznati sa mogućnošću dobrovoljnog povratka i reintegracije (AVRR) u matičnu zemlju, koju nudi IOM, što je za 10 posto manje nego u prethodnoj rundi. Nadalje, 12 migranata je izrazilo interes za informacijama o legalnim putevima i osnovama za ostankom u BiH, što predstavlja tek 3,5 posto ukupnog broja identifikovanih migranata.

DUŽINA BORAVKA U BIH



METODOLOGIJA ⁶

IOM-ova Matrica za praćenja raseljenih lica (Displacement Tracking Matrix – DTM) je sistem za bilježenje i monitoring migracija i kretanja stanovništva, kao i za redovno i sistematsko dijeljenje informacija. U BiH, DTM prikuplja podatke o kretanjima i shvatanjima po nacionalnostima prilikom ulaska u državu kao i broju migranata smještenih u PPC. Ovi podaci se prikupljaju od 2017. godine, a dijelom su šireg DTM-a u Europi za monitoring mješovitih migracionih tokova kroz rute Zapadnog Balkana i Mediterana ka Europi. Od 2021, DTM se u BiH koristi i za prikupljanje podataka o prisustvu migranata van prihvatnih centara i za individualne Upitnike o praćenju kretanja (Flow Monitoring Surveys) sa migrantima koji borave u prihvatnim centrima.

Način prikupljanja podataka – 12. Runda

Geografska pokrivenost

U Rundi 12, 46 općina u sedam kantona FBiH i pet regija u RS-u su odabrane od strane IOM-a zbog velikog broja prisutnih migranata na tim područjima. Ukupni broj posjećenih lokacija uzima u obzir mikrolokacije. Pod mikrolokacijom se podrazumijeva jedinstvena lokacija sa svojim specifičnim geografskim koordinatama.

Ciljana populacija

Stranci koji putuju ili su naseljeni u BiH izvan PPC-a. Migranti koji su već smješteni u jedan od PPC-a nisu uključeni u ukupnu statistiku

Vremenski okvir

Dvanaesta runda je provedena 20.4.2022. godine.

Popisivači

Četrnaest timova i ukupno 34 popisivača (24M, 10Ž), sa poznavanjem engleskog, arapskog, dari, farsi, turskog i pašto jezika, zajedno sa 13 uposlenika Crvenog križa BiH (8M, 5Ž), 11 inspektora SPS-a (9M, 2Ž).

Metode prikupljanja podataka

Anketa je dostupna u štampanoj i online/mobilnoj KoBo formi na engleskom jeziku. Svi prikupljeni podaci se spremaju na KoBo Server kojim upravlja IOM sa sjedištem u Ženevi. Upitnik se sastoji od 5 osnovnih sekcija: ukupan broj prisutnih migranata na lokacijama van PPC-a na datoj lokaciji; presjek spola i godina za 5 najzastupljenijih nacionalnih grupa; glavne ranjivosti i zdravstveni problemi; osnovne rute kretanja, transport, destinacije; interes za preporukama i dodatnim informacijama. Počevši od Runde 05, uvedeno je dodatno pitanje koje se tiče najzastupljenijih provincija Afganistana iz kojih dolaze migranti, zbog posljednjih događaja koji su se desili u Afganistanu.

Ograničenja

IOM konstantno unaprjeđuje već uspostavljenu stalnu prisutnost u odabranim općinama u BiH kako bi mogli pružiti okvirne podatke o broju migrantske populacije van PPC-a u datom trenutku. Vježba prikupljanja podataka je provedena uz sljedeća ograničenja:

1. Geografska pokrivenost je ograničena na određeni broj lokacija u BiH. Od početka projekta u 2021, zahvaljujući dodavanju kantona u FBiH i pet regija u entitetu RS, IOM-ov domet i geografska pokrivenost su se značajno proširili. Uprkos tome, neke ključne lokacije možda još uvijek nisu posjećene.
2. Prisustvo osoblja SPS-a tokom provođenja vježbe omogućuje pristup nekim lokacijama, ali može ometati učestvovanje migranata na drugim lokacijama i/ili uzrokovati pristranost migranata u odgovorima na pitanja.

Iako IOM nastoji konstantno i precizno vršiti monitoring, zahvaljujući podršci drugih humanitarnih organizacija koje rade na terenu, lokacije na kojima migranti borave se brzo mijenjaju, a sve u skladu sa promjenama godišnjih doba i ruta kretanja, ali i zbog drugih faktora (naprimjer mreže za krijumčarenje i trgovinu ljudima, nacija i vizni režimi) koji imaju značajan utjecaj na broj migranata identifikovanih kroz vježbe prikupljanja podataka,

5. Za više informacija o metodologiji, posjetite web stranicu IOM BiH.